



Protocol dalla radunonza generala

vendergis, ils 24 da schaner 2025, allas 19.00 uras

en l'aula dalla casa da scola Breil

Tractandas

Beinvegni	2
Elecziun d'ina dumbravuschs	2
Prelecziun ed approvaziun dil protocol	2
Rapports annuals	2
Rapport dalla presidenta	2
Rapport dallas visitadras da nos seniors	3
Rendaquen, rapport dallas revisuras ed approvaziun	4
Program e cuors 2024	4
Fixar la contribuziun annuala	4
Elecziuns	4
Presidenta	4
Actuara, cassiera ed assessuras (3)	4
Revisuras da quen (2)	4
Mutaziun da commembras	5
Varia	5
Devoziuns dil matg/october, S. rusari	5
Suprastonza KFG	5
Formular d'annunzia per gidar	5
Homepage	5
Gruppa whatsapp	6
Fotografias da differentas occurenzas digl onn 2024	6
Impuls Sur Sajan	6
Engraziament	6



CUMINONZA DA MUMMAS E DUNNAS BREIL

Beinvegni

Allas 19.00 uras arva nossa presidenta Cornelia la radunonza generala e fa in cordial beinvegni allas 26 commebras presentas. In beinvegni special fa ella a nies plevon sur Sajan. 15 commembras han schau perstgisar e san buca prender part a nossa radunonza.

Igl invit alla radunonza generala cun menziun dil program embalont e la gliesta da tractandas ein vegni tarmess tier allas commembras per posta digitala (email e whatsapp) ed ein era stai publicai en differents loghens dil vitg. Plinavon ei la gliesta da tractandas stada publicada el «Fegl uffical dalla Surselva».

Ei dat neginas menziuns tier la gliesta da tractandas - aschia vala quella sco approvada.

Elecziun d'ina dumbravuschs

Gabi Muoth vegn elegida unanimamein sco dumbravuschs.

Prelecziun ed approvaziun dil protocol

Igl onn vargau havein nus decidiu, ch'il protocol vegn buc pli prelegius durant la radunonza generala. Aschia ei quel vegnius tarmess tier per posta digitala ni staus accessibels per leger en fuorma da pupi avon radunonza.

Ei dat neginas remarclas tiel protocol, aschia che tal vegn approbaus cun in engraziament all'actura.

Rapports annuals

Rapport dalla presidenta

Nossa presidenta prelegia siu rapport annual. Ella lai reviver il curriu e passau durant igl onn. Enramont muossa ella pliras fotografias fatgas durant las differentas occurenzas.

La radunonza generala ha giu liug ils 19 da schaner 2024. Suentar la radunonza ei vegniu offeriu in puschegn. Il concert da Tumasch è ha enramau la sera e tuttas han astgau guder entgins muments specials.

L'entschatta mars ha giu liug il di d'oraziun mundiala a Dardin. Gabi Vincenz, Andrea Cathomas ed Alexa Albrecht han preparau e menau atras la devoziun, suandada d'in puschegn ella casa Pervenda da Dardin. Il tema dalla sera ei staus: «Entras il ligiom dalla pasch», dedicaus alla tiara dalla Palestina.

El decuors dalla primavera 2024 ei vegniu repartiu las rassas da Dumengialva ed ils costumes per purtar il Bambin ed accompagnar ils premcommunicants.

Ils 17 d'avrel 2024 ha giu liug a Tavau la radunonza generala dall'uniun catolica da dunnas dil Grischun.



CUMINONZA DA MUMMAS E DUNNAS BREIL

In meins pli tard ha giu liug a Cuera la radunonza generala digl SKF - noss'uniun tetgala dalla Svizra. Madlaina e Corina han priu part alla radunonza. Tala radunonza vegn buc visitada mintg'on, damai ch'ella ha pil pli liug lunsch naven.

Ils 20 da fenadur 2024 ha giu liug, per l'emprema gada, ina fiera d'artisenadis a Breil. Grazia agl engaschi da differentas commembras, ei seresultau in gudogn en buna relaziun cugl engaschi impundiu.

Ils 17 da november 2024 ha giu liug il di da suppa, cun la devoziun da S. Elisabeth. Uonn ei quell'occurenza stada visitada bein.

Ils 26 da november 2024 havein nus organisau per nos seniors ina sentupada d'Advent. Bunamein 40 persunas han suandau nies invit e gudi il star da cumpignia. Il chor da scolars dalla scola superiura ha visitau ils seniors e delectau els cun in pign concert.

Ils 11 da december 2024 havein organisau il solver da rorate. Deplorablamein ei la participaziun alla devoaziun ed al solver stada pintga.

L'acziun « Pégn dil vitg – CUMINONZA » ha giu liug per la secunda gada. L'idea da decorar ensemen cugl entir vitg ils pégn, tschentai uonn el curtgin all'entschatta dalla via Cuort, ei gartegiada. La sera publica - la sera dall'emprema illuminaziun da nos pégn - ei stada in success.

La radunonza da vallada ha giu liug ils 17 da schaner 2024 a Trun. Madlaina e Cornelia ein stadas presentas.

In vast program da cuors cun rodund 20 purschidas ei vegnius menaus atras durant igl onn 2024.

Nossas visitadras da seniors Marianna Balett, Cecilia Risch ed Anna Cathomas ein vegnidas menziunadas specialmein el rapport da nossa presidenta. Quei cun admetter in grond engraziament per lur engaschi.

Alla fin dil rapport presidial ei nossa presidenta seregurdada dallas commembras Marianna Albin, Rita Arpagaus, Maria Carigiet, Rosmarie Hitz e Nesa Capaul, che han bandunau il terrester il davos onn.

Rapport dallas visitadras da nos seniors

En num dalla gruppa da visitadras da seniors, prelegia Anna Cathomas lur rapport.

Nossas visitadras visetan ils seniors en la vegliadetgna da 80+ onns. Ellas han fatg 35 visetas en nies vitg ni en casa S. Martin a Trun.

Marianna Balett, e Cecilia Risch restan aunc uonn en uffeci. Ils dus plazz vaccants duein vegnir occupai sin l'auter onn. Ulteriuras informaziuns suondan cun la brev d'informaziun. Anna Cathomas stat vinavon a disposiziun per quella incarica.



Rendaquen, rapport dallas revisuras ed approbaziun

La cassiera Madlaina presenta e declara il quen.

Nossa uniun ha giu uonn in surpli d'expensas da frs. 18.81 e posseda ina facultad da frs. 25'800.00.

Las revisuras Gabi Muoth ed Erna Cathomas han controllau il quen e fan la tscharna dad approbar tal. Il quen vegn approbaus unanimamein cun in applaus ed in engraziament alla cassiera Madlaina.

Program e cuors 2024

Corina presenta il program da cuors 2025. Ensemen cun las responsablas dallas uniuns da Dardin e da Danis/Tavanasa ei inagada dapli vegniu creau in program da cuors fetg variont. Corina declara ils cuors e presenta entginas lavur. Il survetsch divin d'oraziun mundiala croda uonn muort collisiun da termin cun igl usit da schibettas, Da niev sa l'annunzia als cuors era vegnir fatga entras in code da QR.

Cornelia engrazia a Corina per la lavur prestada. Il program da cuors 2025 vegn approbaus cun applaus.

Fixar la contribuziun annuala

Noss'annuala munta dapi igl onn 2015 a frs. 25.00. La suprastonza propona alla radunonza generala da schar tala taxa sco tochen dacheu. Las commembras presentas acceptan unanimamein la proposta.

Elecziuns

Presidenta

L'actuara Angelina fa la proposta allas commembras d'eleger Cornelia per in ulteriur temps d'uffeci sco presidenta. Cun in ferm applaus vegn ella reelegida.

Actuara, cassiera ed assessuras (3)

Las ulteriuras commembras dalla surprastonzas Madlaina sco cassiera, Gabi, Marina e Corina sco assessuras ed Angelina sco actuara stattan tuttas a disposiziun per in proxim temps d'uffeci. Ellas vegnan reelegidas en globo cun in applaus.

Revisuras da quen (2)

Era las revisuras da quen Gabi ed Erna stattan vinavon a disposiziun. Era ellas vegnan reelegidas cun applaus.



CUMINONZA DA MUMMAS E DUNNAS BREIL

La suprastonza secumpona pia danovamein da:

Cornelia Deplazes, presidenta
Angelina Cathomas, actuara
Madlaina Livers, cassiera
Corina Cavegn, assessuras e responsabla per cuors
Gabriela Vincenz, assessura
Marina Maissen, assessura

Mutaziun da commembras

Legreivlamein astga nossa presidenta Cornelia beneventar Sarah Cathomen sco commembra nova en nossa cuminonza. Ella vegn prida si en nossa cuminonza cun in applaus.

Alexia Tuor e Denise Gabriel giavischan d'extrar da nossa cuminonza.

Varia

Devoziuns dil matg/october, S. rusari

Cornelia surdat il plaid ad Ida Berther. Ida informescha dil digren da participaziun al S. Rusari, alla via dalla crusch e las davoziuns dil matg. Ella metta a cor da far dapli diever da quella pli veglia fuorma da meditaziun e da gidar da mantener quei usit/quella tradiziun. Ei vegn ponderau, co agir per dar dapli presenza a tala. Ei vegn decidiu da nezegiar la pusseivladad digitala ed infomar supplementar sur whatsapp pertuccont via dalla crusch, devoziuns e rusaris. Plinavon duei la problematica vegnir tematisada entras las calustas e sur Sajan ella gruppa da liturgia. Forsa sedat aschia la pussievladad da celebrar las devoziun en caplutta enstagl la mesjamna avonmiezdi, durant la sera. Aschia fuss la pusseivladad da separticipar per famiglias cun affons era dada.

Suprastonza KFG

L'uniun cantunala KFG enquera vinavon 1 – 2 consuprastontas. Nossa uniun ha gia giu pliras commembras en suprastonza cantunala. Cornelia motivescha da s'annunziar tier interess tier nossa suprastonza ni directamein tier la suprastonza cantunala.

Formular d'annunzia per gidar

Ensemen cul program da cuors digl onn ed il quen per l'annuala vegn uonn puspei repartiu in talun per s'annunziar da gidar per las differentas occurenzas. Igl onn vargau ha tal talun generau bien sustegn ord la cuminonza.

Homepage

Cornelia engrazia alla commembra e revisura Erna per sia lavur davos las culissas. Muort siu engaschi resta nossa pagina dad internet actuala.



CUMINONZA DA MUMMAS E DUNNAS BREIL

Gruppa whatsapp

Anna Cathomas fa attentas nus che las novitads emessas sur whatsapp stezzan per part suenter cuort temps. Ei vegn erruiu il daco e fatg attents dad observer vinavon.

Fotografias da differentas occurenzas digl onn 2024

Durant la radunonza vegn projectau fotografias dallas occurenzas dil davos onn.

Impuls Sur Sajan

Sur Sajan engrazia pigl engaschi da nossa uniun. El fa igl avis sil viadi ell'India che vegn organisaus da nossa Pleiv. Tal viadi ha liug igl october 2025. Annunzias e dapli infomaziuns dat ei sin la pagina d'internet dalla Pleiv Breil.

Engraziament

Cornelia engrazia allas ustrias Alpina, Fausta e Vincenz sco era allas fatschentas pasternaria Gabriel, cascharia, mazleria e la stizun dil vitg pil sustegn e la buna collaboraziun.

Nossa presidenta engrazia allas consuprastontas per la buna collaboraziun ed a tuttas commemoras pigl agid e sustegn durant il davos onn.

Suenter la radunonza vegn offeriu in puschegn cun ina presentaziun e degustaziun dalla Destillaria Daguet.

Cornelia terminescha la radunonza generala allas 20.00 uras cul suandont patratg dalla scriptura Astrid Lindgren:

*“Warte nicht darauf, dass die Menschen dich anlächeln. Zeige ihnen, wie es geht!”
Astrid Lindgren*